

OMUKUETU

No: 1.

Jamari

1955.

OMUKANKA CUA KOLA

„Omukanka gwa kola gwa Kalunga otaga kala gwa kolelela nogu noshihako shika: „Omuaa e ja shi mboka je”, noshikuauo: „Kehe tuu ngoka ta tumbula edina l'Omuaa, ne ece uulunde”. 2 Tim 2:19.



„Mwanzo otali endebele, ngashi hatu ambi „Mwanzo ngafundja da tondoka po”. Ota otatu shi didilike isheue omumvo 1954 sho gwa ji itagu galuka ue notu nomumvo 1955 notu shi shi nugu mbala mbala tagu ji. Uujuni otagu lunduluka. Shaa tuu ecimbo efupi lja pitik, uujuni inau fa nando ngashi ua kala. Uujuni uomumvo guu nomumvo nguka isheue ouili. Aantu otatu lunduluka. Oja fomuidi tagu ganja. Otaa koko taa kulupa, taa lunduluka, taa tenguka, taa punduka. Ngo a kala a simana, esiku limue uulenga ue ue mu kucua nota dinua nokuli mbala. Ngele otatu talatala okulunduluka nkuka, otaku tu tibca nokuli Otua fa katu negameno, katu nomukanka guokukala po nokutunga po. Kilongo jimue ku nomakakamo gevi. Otse nantu mokutala uujuni nomokutalacana nomokutala tse jenc otua fa mbejaka taa jelekele okucikama pevi lja kakama, taa nje-ngua sho kaje na nkoka taa kuatele ko.

Ope na nga omukanka gwa kola gwa kolelela uujuni notse aantu manga tatu lunduluka. Omukanka nguka ogua Kalunga, taa peua okutunga po. Ogu niuhako ijaali ji nekuatacama, kaji shi kukucua kumue nando nando, ji nenjolo:

„Omuaa e ja shi mboka je”. Itatu pumbua tu kale nokucila omumvo omupe shoka tagu shi tu etele. Ashihe shoka tatu shi ningilua otashi zi kOmuaa. Oje e nehalo noonkondo oku tu endica noku tu gamena. Kaku nefufu limue ljokomitse detu tali ka kana Omuaa ngele ine shi pitika. „Nagehe ogo oga jalulua uo” (Mat. 10:30). Ita njengua, ita puka moshilonga she shoku tu siloshimpuiju. Na shoka shi li mutse, oku shi shi. Uunkundi uetu oku u shi. Noondjo detu oku di shi. Itatu vulu tu siikile sha mokukonga omaitopilo gi ili nogi ili. Itatu pumbua nokuli

Ano ngashingeji Jehova, omushiti guoje Jakob, nomuhongi guoje Israel, ota ti:

„Ikolelela, oshoka ongame nde ku kulilel

Ongame nde ku icana edina l'joje: Ongoje oguanaje! Jesaja 43:1.

Elaka ndika l'jomuproferi guomehangano ekulu oju wanana shiti. Oju otali langicua no mougerki, omushiti sho ta tumbula kositari notapu demangululo. Oshapu dika da Jesaja nli melongo enene shiti. Itendelua ajihe jomehempululo l'jetisalo oja kolelela mo.

Tango otaku tumbula esalata. Melaka l'joshicheberi nkuahuta otaku ti okukoleka nokusalula. Omuntu ngoka a salata naua a kala, akua jomushiti omushiti. Osho ngeji uuanilele uomuenjo nomueta ua jomuka. Utao l'ua jomuaa uo ombui jomuntu na Kalunga kumuo jomuntu oja kala lali lumbua uomuenjo omudiga. Oje a hepuata andi omuntu nguka omukereji?

Oshapu da Jesaja odi na uo otatendelua otashigaji, ekulilo. Melaka l'joshicheberi omukubi oje omukuanzimo jomukulilua ngoka ta vulu okukulila noshiliveri noshingoli omukuaa noku mu mangulua ngeji muupika moka a kala omolu guongunga. Omuntu ngoka ta kala muupika guongunga doondjo, ota popiua moshitendelua XII shehempululo l'joku Augsburg. Okus taa: „Omahalucco otaga denga eiuvuo omolu okudimbulula doondjo.” Pomacimbo gonaale omupika ekua dengua otandja, oje nokua li lja tala omdango

tu shi ninge oshoka Omuaa e hoole aalunde. Omuaa Jesus oje ngoka obela none-na: oje okuume kaalunde. Omolu doondjo detu a hepekua nokua si. Okua hala narse uo tu di dimbulule naua, tu kenge notu mone emangululo medimopo l'joondjo. „Mboka je” taa popiua moshapu dika oju tuu mboka taa kala nokudimbulula je nomuenjo kohenda ajike.

„Kehe tuu ngoka ta tumbula edina l'Omuaa, ne ece uulunde”. Enjolo ndika l'jomoshihako shi li momukanka gwa kola kali shi kukucua nando kumue na ndjoka lja popiua tango. Ohenda ja Kalunga kaji shi kumugua ondunda jokusikiil, uunaji tue u hokua. Ngele taru jelekele tu shi ninge, otatu puka nokupukilila. Kehe ngoka ta tumbula edina l'Omuaa omujapuki nomujuuki na ece uulunde: uuntsa, efupa, ifundja, oluilio, uunkolui, oluhondelo no shaa shoka shi li po sha tondua ku Kalunga.

Oshapu dika na ece itadi popi omikalo dokombanda adike di uetike kaantu ihe omuenjo gu nokutameka okutonda uunaji Omuaa Kalunga ngashi te u tondo. Oje ngoka ta kala ngaka oku shi shi e nomukanka gwa kolelela uujuni manga tau lunduluka, ita tala sha.

Alpo Hukka.

gongela. Omupika guongunga doondjo ota lombuelua moteksti jetu: „Ikolelela, oshoka ongame nde ku kulilel.” Iikulila mbika kaja li oshingoli nenge oshiliveri, aue, oju okuhepekua kuomukuetu no kuOmukulili gugu Kristus nokusa kuaa nandjo.

Opo ekulilo ndika tu li mone kehe gumue, moteksti jetu omua esikilua e raku taa: „Ongame nde ku icana edina l'joje.” Mpaka otue ja moshitendelua oshititatu. Ombepe Ondjapuki ota icana meshasho omupika guongunga doondjo edina l'je no te ma fala mehangano l'jakriste, opo a ninge omuntu gwa Kristus. No nando ngoka ua punduka mo mesidohenda ndika meshasho eapuki, natango oto pitikna okupulakana oshapu dika: „Ongame nde ku icana edina l'joje.” Ongoje u nokugalukili mehangano tuu ndjoka l'Ombepe Ondjapuki, mehangano l'jesilohenda hali valululica, moka ua taambululue tab meshasho, nando komeho u ikuca mo. Ngele ito itupipike isheue ua fokanona, ano u kale isheue omuaa gwa Kalunga mehafo l'ypakanona, ito vaju okucigulula oshilongo sha Kalunga. Ihe ngele to igandja, u l'elac kOmbepe Ondjapuki, o-hili ito kana. Ongoje omujambekua u neuvaneko l'jo- muenjo no guongashingeji no guokomeho Mokatopolua ka landua ko mo Jesaja 43:2 Omuaa ota ti: „No ngele to pitike moom ti, ongame ndi li pu ngoje, no ngele ku nomilonga domeja, itaadi ku jeehula ejoelu. No ngele to pitike momuho, l'agu ku lungunica, noohandje domuho kadikufike.” Noonkondo kOmbepe Ondjapuki ongoje to lejua e to gamenua, sigo to aada uuciga mboka omukuetu nOmukulili guetu Kristus e u longekidile aakuanezimo l'je. Ongoje to putudua onga gumue guomezimo ndjoka l'jakuanilua li nomukuluntu gualjo Kristus, omukuanilua guakuanilua. Aakuanezimo mboka ohaa jakulua naua kaajengeli najapuki nopecimbo ndika l'jelongekido. Nokana koje niikaha joje oto vulu okurideula mehambelelo l'jokupandula Onzigona no manga u li nkuka. Ehambelelondjimo ndjoka aajehgeli jomegulu uo oja njengua oku li imba. Ohali tsejika kaakuvuo ja Kristus ajeko, ku mboka ja kulilua mo mevi. (Ehol. 14:3)

Otse otatu lombuelua komujapostoli: „One maa kulilua niikulila idigu: mamu kala apika jaantu” (1 Kor. 7:23). Omolua shoka nomujapostoli uo ite tu popica ongaapika, aue, ote tu popica naua nombili: „Aamuameme, otandi mu kumagidica esilohenda lja Kalunga, igandjeni omalutu geni ondjambo ji nomuenjo, ondjapuki, jopafela Kalunga” (Rom. 12:1). Tu igandjeni ano ngeji ondjambo jehambelelo.

Tu galikaneni:

Hamelelelua Omukulili guetu Omuaa Jesus Kristus, ongoka ua lengua kombanda mesimano l'jomegulu no ho longelua kaajengeli, sho ue tu dimbulukua natango, otse aakuanezimo l'joje oshopele, no ino tu dina ihe to tu icanene uuciga uezimo l'joje l'jaakuanilua. Otatu ku hambelele, Omuku-

lili guetu omuhoolike, sho ua tumu muujuni Ombepo Ondjapuki a kale omupopili nomuuliki peha ljoje, opo tu ade uuciga mboka tue u uuvanekelua. Otse otu li po muujuni muka aanamadina naacigona aajamba naatokele, ihe ongoje Ombepo Ondjapuki iho tala ondjelo jomuntu aue, ongoje ua hala u tu icane kehe ngoka edina lje tu je megongalo lja Kristus. Hambelelue ano, megongalo ndika ljoje sho hamu monika edimopo ljoondjo, nepangelo ljesilohenda, nekulilo ljarahili nemangululo moondjo. Otatu ku hambelele, megongalo ndika sho hamu dimua po oondjo, ha lumue aluke, ihe isheue nisheue. Ombepo jomegulu Ondjapuki, kala aluhe omuaaludi omukuluntu guomoshipangelo shika shaakriste. Hunga oomuenjo da njanjagulua, di aaluda koonkondo dedina ljo muua Jesus no dombinzi je ondjapuki. Ino tu ciga po, Ombepo jesilohenda. Guanica oshilonga shoje sigo esiku ljejaluko lja Kristus Jesus.

Amen,

Aapeli Saarisalo.

Omuprofessori moskola jOkombanda mu Helsinki.

OCHAPU DAAPUTUDI AANANDUNGE.

Eputudo oljo oshiholelua nohoole. Ojo ngele kaji po, kape na ue eputudo.

Okuputuda okuo okucindila, hakutinda, hakuundula, hakuhila. Okuputuda okuo okutseja naua omuputudui mpo e li, noku mu gamena koshikungulu nge sha hala okugeja.

JALOO AAKUETU!

Kalunga kue tu uucile ecimbo ljokue-nda kUushimba tu ka talele po auuambo. Nena tua galuka kegumbo no tua ciki naua Kalunga kue tu humbata molueendo luetu miikaha je johoole.

Auuambo ne jokUushimba tatu ti ndangi uunene, oshoka mue tu taamba naua miigongi jeni. One, aeangeliste one mue tu kuaca miinima ojindji, nosho mue tu endica manga tua li aajenda. Otatu dimbulukua nenjanju ecimbo ndjoka tua li kune.

Aahongi aanduisi tatu ja panda isheue unene oshoka ojo je tu jakula nohoole momagumbo gauo. Otu na sbili ekuatacano euanaua mu Kalunga.

Omadiladilo gandje taga ende kaakulukadi auuambo mboka je li kUushimba. Nda li nda hala oku mu popica nohoole ja Kristus, ihe kandi shi uo ngele mua hala oku uva ndje.

Uunene tatu dimbulukua omaimbilo gaamati nkene ji imbi noonkondo miigongi jetu. Oongundu doka da gongala ku Muldarine na Tuna odo tadi kala momadiladilo getu. Jaloo aamati, imbileni Omuaa omaimbilo gomahambelelo. Oshoka omuto-ndadi ta tila mpoka aantu taa imbile Omuaa. Diginineni ondjila ja Kalunga inamu zimina ombepo juujuni ji mu fale.

Otatu mu halele ejambeko lja Kalunga uunene pecimb, ndika tua ciki momumvo omupe. Omuaa muene ne tu endice naua mondjila je muene. Ne tu jelicile ehala lje tuaa tameke okuenda nondjila jetu jene.

Kaleni mua kolelela mOmuaa.

Kundilueni uunene ku Manja na Ilannus.

Aili Kivinen.



mOshitaji:

Kristofina Petrus a si 8. 8. 54
Nikodemus Amukaha a si 10. 8. 54
David Edija a si 22. 8. 54
David Ndjimba a si 3. 11. 54
Filemon Andimba a si 7. 11. 54
Lovisa Shivute a si 2. 11. 54
Paulus Kendalanda a si 28. 11. 54
Kristian Teofilus a si 29. 11. 54
Jakobina Mateus a si 29. 11. 54
Petrus Mateus a si 1. 12. 54
Filipus Jakob a si 2. 12. 54

mOngenga:

Andreas Kamundilo a si 22. 3. 54.
Helena Ndilukila a si 5. 4. 54.
Julia Jonas a si 6. 4. 54.
Eva Kondjamba a si 15. 4. 54.
Magdalena Nangolo a si 16. 4. 54.
Telresia Ndemuungela 30. 3. 54.
Malakia Moses Hanaii a si 27. 4. 54.
Eva Talelela Neumbo a si 27. 4. 54.
David Handombe a si 30. 4. 54.
Jeremia Johannes a si 4. 5. 54.
Lovisa David a si 10. 5. 54.
Tabita Simon Tujoleni a si 5. 5. 54.
Vilho Elisa a si 20. 5. 54.
Varntina Elisa a si 27. 5. 54.
Jairus Moses Ndameshime a si 30. 5. 54.
Saara Kanjamba a si 10. 6. 54.
Paulus Joono a si 18. 6. 54.
Stefanus Shilongo a si 2. 7. 54.
Simeon Paulus a si 11. 7. 54.
Job Haifoko a si 16. 7. 54.
Timoteus Hangala a si 31. 8. 54.
Maria Kahongeka a si 6. 8. 54.
Lidia Shamuulimo a si 12. 8. 54.
Paulina Nandelai a si 14. 8. 54.
Martta Muhanjeka a si 23. 8. 54.
Tertius Mulundu Augustus a si 5. 9. 54.
Wilhelm Kandjengo a si 12. 9. 54.
Mirjam Nashonja a si 29. 9. 54.
Henrik Haukongo a si 1. 12. 54.
Suoma Shimbaba a si 2. 12. 54.
David Hamunjela a si 11. 12. 54.
Tobias Ndifikepo a si 28. 12. 54.

OKUJA KIIPANGELO.

Aakriste aakuetu otandi endlulula oshinima sha popiua nale. Oshinima osho shika: Ngele to ji koshipangelo, to ka menekela, to ka pangua. Ino dimbua okukonga ombapila jegongalo, oshoka ngele ku na ombapila joje jegongalo, aajakuli jegongalo otaa ku jakula ngini, oshoka kaje ku shi. Ano sho to ji koshipangelo shi li kokule negongalo ljaandjeni, kambadala uo okukonga ombapila jegongalo. Opo nge to ka pumbua ejakulo ljegegongalo, u jakulue puua nomalimbililo.

Omukueni T. Shindongo

Ngoje nguka ino injolica nantango moshifo shOmukuetu, shi

OMULONGI GUOMO-SHINJANJANGIDO JAFET ANDREAS

Oje okua manoondjenda de muujuni mbuka eti 3, 1. 55. Oje okua li a longo mOshinjanjangido-uule uoomvula mbali netata. Okua li shili omudiginini miilonga je ajihe mbjoka a li e ji peua, nando a kala ecimbo ihaa kala naua, aluhe okua kambadala ngaa okuholoka kiilonga shaa tuu e li huepo kashona.

Otse mbaka tua longo pamue naje mOshinjanjangido otua njanjukilua okukala kue, oshoka oje okua li omunambili nomumueni mokati keru. Ngashingeji Omuaa e mu icana kevlululuko ljaana ja Kalunga.

Ovakuetu ova'eshi vomukuetu, tu hambeleleni Kalunga omolu eifaro levakuetu, ava e va dilukitile meulu laje. Na u mu hambelele eshi jo etu filoongenda tu kaleni natango mounjuni momafiku oi hupe jomudo omupe, omu e tu fikifa mo kefiloongenda laje.

Hano mokukala moi hupe jomafiku tu nomuenjo, natu leshe Kol. 3:1-10. Tu diinine okuenda mondjila ojo ja dja ku Golgata tai tuala oyaitaveli kefikilo lalushu. Paulus ta ti: Ohandi kondjele eshi shi li komesho jange, ndele handi ehene kefikilo londjambi jeifano la Kalunga mu Kristus Jesus. Fil. 3:14.

Paulus Nailenge

ETSEJICO.

Ongoka a tumine Omukuetu ehokololo euanaualela, ihe ina holola edina lje, kua njola ouala oondanda A. K. ne tu tsejicile edina lje, opo tu njanjangide ihe ehokololo lje. Edina ljomunjoli itali njanjangidua omunjoli ngele ine shi hala, ihe omulongekidi guoshifo e noku li tseja.

Omukuetu.

Elongelokalunga lja holoka pashindonga. Tali pula 1/9.

ninga mbala opo u mone onomeri jotango uo, ano 2/- mOuambo 2/6 kUushimba.

OSHIKOLOLO SHOMEGUMBO



KAAKULUNTU JAANONA.

Esiku limue sho nda tsakanene omumati gumue onda tameke oku mu popica nokupula, oje e li mongundu jini moskola. Okua jamukula a ti: „Kandi li moskola.“ Ejamukulo ndjo nde li kuminua, no sho tua tsikile oonkundacana detu, onkumue ja ningi onenenene. Omumati ngoka oje omukriste, oshoka opo ji li popepi naandjauo, ihe ita ji koskola. Okulesha e ku shi kashona kouala, okunjola kee ku shi, nomijalu tadi mu njenge. Oluhepo lu cike peni!

Oonkundacana doka da ciminike ndje oku mu njolela, one aakuluntu jaanona. Omumvo omupe gua tameke, nomijeelo dooskola tadi egulululua mbala. Miilongo mbika mu na aanona ojendji mboka taa tegelele etameko ljokola nenjanju. Oskola jauo ojo je ji hokua nehala ljokuhuma komeho je li na. Ihe ha aanona ajehe je li ngeji. Oondunge dauo odo oofupi manga, uudano je u hokua komeho goshilonga. Kaje uviteko manga oshilonga shoskola no ihaa diladila shoka tashi ja ada komeho.

Ihe aakuluntu aanandunge taa tumu aanona jauo koskola, ha mboka ajeke ja hokua ko, ihe na mboka uo inaa hala okuja ko. Mokuputuda aanona tu noku ja ciminika oluindji ja ninge sha shoka inaje shi hokua. Ngele okanona kamue inaka hala okulja, itatu ka eca nokudiladila: „Kape na mbudi, naka kale ano kake niikulja.“ Aue, otu shi shi, okanona taka ka mona oshiponga, ngele itaka li. Onke ano tatu ka ciminike okulja iikulja jako. Osho ngeji tu nokuninga naanona mboka inaa hala okuja koskola. Oshoka tu shi shi, otaa ka adika koluhepo olunene, ngele itaa longua. Omumati ngoka ta ji kUushimba, ota ka mona iihuna ngele kee shi kulesha naua no ngele kee shi kujalula iimaliua nenge omacimbo. No nge ta kambadala okunjolela aakuauo, ombrive je kaji shi kuleshua, na shoka shi li kombanda jompunda, kashi shi kuleshua. Onke ano oombrive nenge oopakete da tumua kuje, itadi ka cika nando esiku limue. Sho ina longua elaka ljaahona ota ka mona uudigu. Sho kee uvi-

teko oohapu, e nokuulukilua iilonga je pamikalo di ili no di ili tadi vulica aahona no tadi eta ugeji nuukukutu. Ando tua hala, ando tua uapa okuhokolola nantango iiponga ji ili no ji ili taji ada ngoka ina longua, ha kUushimba akuke, ihe mOuambo uo. Ihe pe na oshiponga oshinene shi vule iiponga ajijejihe, tu noku shi tumbula mpaka. Omunona a tja ngaka ina longua, kee na mpoka ta vulu okuhuma komeho muukriste ue. Esiku limue ta longua kegumbo okutseja Jesus noku mu galikana, esiku limue ha ji komambo. Ihe ngele kee shi kulesha oohapu da Kalunga oje muene, ota kala moluhepo. Nokulesha kashona kouala inaku guana. Omuntu e nokutseja okulesha naua nuupu, manga inaa uapa okutaamba oondunge domoohapu. Moskola jekoleko omugundjuka a tja ngaka ta mono uudigu. Esiku limue ita kolekua nando. Esiku limue ta silua ohenda no ta kolekua. Ihe ngele ita vulu okunua oonkondo oompe molucicija luohapu da Kalunga, ota vulu ngini okudiginina ukriste? Ngashingeji nokuli momagongalo getu mu naagundjuka ojendji mboka je nedina ljomukriste, ihe mokutseja Kalunga nehala lje ja fa aapagani. Koto-keni tuua indjipallice ue omualu guauo. Tu diginineni shili okutuma aanona koskola! Otse tu ja hoole. Inatu ja eteleni oshiponga kuuheci uetu.

Onda dimbulukua omugundjuka gumue a kuatua kehalo ljoku ka tsikila moskola jontumba. Ihe pecimbo ljuunona ue oje a li ina hokua okuja koskola. No ngashingeji oje ina taambua koskola ndjo a hala ko, shoka ina hulica oskola jaanona. Oluhodi lue lua ningi olunene, nokua njenjetele aakuluntu je nomahodi nokutja: „Omoluva shike inamu ciminika ndje okuja koskola? Mua li mu shi shi, ongame okanona kake noondunge.“ Kondja shili, aamuoje jaa pumbue oku ku njenjetele ngeji esiku limue.

Aakuluntu ojendji taa ipopile nokutja, aanona taa pumbiua megumbo. Eeno shili, iilonga mbjoka aanona taa vulu okukuaca aakuluntu jauo mujo, opo ji li ojindji. Ihe omukuluntu omunandunge ta ningi ashihe shoka te shi vulu, opo aanona ja uape okuja koskola. Oti indile oondunge pu

Kalunga a uape oku ja monena ompite jelongo nando iilonga ja vuka. Natu tale aashiinda jaali. Ogumue ta diladila, oje ita vulu okulaleka aanona ja je koskola. Omukuauo te ja tumu koskola, nando iilonga jauo ji li po ji cike pamue. Ihe nge tatu tala omagumbo gauo, otatu dimbulula, nomegumbo ndjoka uo tali tumu aanona koskola, iilonga ja longua naa naa. Shoka sha zi peni? Osha zi muupenda uoajene jegumbo mboka itaje ikongele okulala okupu, ihe taa lalakanene uuanaua uolualo luauo. Uudiginine ua tja ngaka tau eta ejambeko lja Kalunga megumbo alihe.

Ihe esiku limue ua hala okutja: „Aalongi jomoskola jetu kaje shi aauanaua. Onke ano inandi hala okutuma aanona koskola.“ Eeno shili, maalongi, ngashika maakuluntu uo, mu na aaputudi aauanaua no aauinaji uo. Hajo ajehe je na omagano gomuputudi. Ihe nando ngeji, ino eca okutuma aanona koskola. Tameka okugalikana omulongi ngoka. Egalikaneno li noonkondo. Ino zimina aanona ja popje omulongi guauo noku mu sheka noku mu jola. Ngele ongoje to mu popi aluhe nui ndjoka tali holola esimaneke, naanona uo taa tameke okudimbulula uuanaua uomuje nokudimbua shoka inashi opala. Ngele aakuluntu naalongi taa longo pamue nokuacacana nokugalikanenacana, epipi epe tali ka mona elago, nepipi ndjo tali ka etela iilongo mbika jauambo ejambeko enene.

R. V.

DROOGTE.

Soos na wrede koorse-brande
'n kranke rus met slappe hande,
le die lande
lydens-moeg;

onvetsorge, ongelawe,
onder stikkend stof begrawe,
treur die plante,
roes die ploeg.....

Maande, maande,
komend, gaande,
sleep die lange
dae se gange,
leed-verdof en wagtens-moeg.
Jan F. B. Celliers

Elundululo ku T. E. Tirronen.

OLUTENI.

Ngash' oluidhi lue ku pondo,
sheke lue ku lu oonkondo,
mu nekemo
mevi ndi.

Omalundu oga toka
nale, shok' inayi loka.
Omimeno
tadhi si.

Omathimbo
nomathimbo
ge ya huka,,
oga kuka.
Noluhodi taga ji.

JUNJUNI TAU TONGO SHIKE.

Omubishofi Simojoki a fika ku Suomi.

Omubisofi Simojoki a fika keumbo ku Suomi eti 28 la September. Oluendo luaje lua pula eehani mbali. Eshi a fika ku Helsinki onguloshi jefiku eli oje a shakanekua komukulukadi uaje nomukuafi omuilikitumi Vuorela Eshi Omubisofi a londoloka modila oje a tumbula ta ti: „Ohai hambelelele Kalunga eameno laje moluendo luange.” Ongu'cshi ia shikula Omubisofi a udifa mogerka mue o nu Helsinki nokua hokololela ovañu 3000 oluendo luaje. Nomu radio jo oje a popifa ovasuomi vahapu.

Eshi Omubisofi a dja kOuambo oje a i'e tete mu Pretoria nomu Johannesburg nomu Kaapstad. Oko je a londa moskepa nokua enda mo fijo ku England nokua tui-kila modila ku Suomi.

Omuilikitumi Vapaavuori a hulifa etalelepo laje moshionga'ele shongerki mEngela. Oje a fikama nokua dja kOuambo efiku lotete la Desember no kua ja ku Windhoek. Oko je kua tui-kila ondjila jaj nokua ja ku Johannesburg noku Pretoria. Oko je a londa modila nokua ja ku Jerusalem a talele po ovatumua tava longo ko. Mu Helsinki omuilikitumi ta ka teelua mefiku eti 20 la Desember.

SUIDWES-AFRIKA.

Kaokoveld.

Ongereka jeembulu (Die Nederduitse Gereformeerde Kerk) tai kongo omutumua ile omufita a hovele oilonga jetumo ku Kaokoveld. Oje ta ka ninga omutumua uotete medu eli noje ta ka peua oshilonga shidju shokuhovela okuudifa evangeli mokati kovapaani ava. Tetetete e nokulilonga oshihero a dule okulonga mokati kovahero. Ndelene komesho e nokulilonga omalaka oiuaana imue a longe mokati kajo jo.

Moshipangelo shoku Ohopoho omua longo fijo paife omuhakuli omusuomi. Neudo oshipangelo eshi tashi ka filua oshisho kongerka jeembulu novatumua vajo

Ovauambo tava longo koushimba.

Efimbo lokulonga kOushimba tali lepalekua. Nale efimbo eli ola fika peehani 18 ile omudo umue netata. Opone efimbo eli ola lepalekua nomido mbali. Paife eehani hamano oda uedelua po natango. Oñge ovauambo tava ka longo komesho eedula mbali netata.

Oposa.

Ava tava longo moposa itava shiiva omat imbutumbu. Ovo tava kumua mokumona eambilive kadi nomadina ile eeadresa. Eambilive datjangaha odi li po dihapu. Ngenge omukuluñu uoposa ta shiiva ovatambuli veambilive, odo tadi fiki kuvo nandz oadresa kai po. Paife omukuluñu uoposa ta indile avesho tava shange eambilive nava shange alushe mekutu keshe edina lonu: aambuli noadresa jaje.

UNION.

Elaka lovabañu.

Mu Kaapland omua ufua kutja meeskola dokombada dovatilijane otamu ka longua elaka lovabañu jo. Ehangano limue (Die Afrikaanse Christelike Vroue - Vereniging) ola eta ediladilo eli. Ndelene tapa pumbiua efimbo manga eufo eli inali uanifua shaashi ovalongi vomalaka ovabañu va pumba.

Eeskola dongerka joñguanglikan.

Ongerka joñguanglikan tai ka efa eeskola davo detumo mu Transvaal nomu Vrystat, shaashi ojo itai dulu okuuanifa omango ipe jepangelo kombinga joskola. Mu Kimberly nomu Kuruman nomu Bloemfontein eeskola 40 tadi ka jandjelua epangelo. Meeskola edi omua longua ovalongi 120 nounona 5000.

Mu Suid-Transvaal eeskola 23 dovabañu tadi ka patua. Opo onunona 100000 itava ka longua vali. Nomu Noord-Transvaal eeskola detumo loñguanglikan 77 tadi ka patua. Onunona 150000 itava ka longua vali.

Omakakamo edu.

Mu Wales mu England moilando itano omua li mu nekakamo linenenene. Eengulu adishe da hanauka po. Ovañu avesho ova haluka nova kendabala okuliamena eshi omakende neenduda da uila po. Ekakamo eli la fika po eeminute ñano.

Mu Japan jo omua li mu nekakamo ledu vali. Oiponga inai monika paife.

Momido 1953-1954 mu Grekland omua li mu nomakakamo mahapu. Eengerka 1133 oda hanauka po neengulu dihapu dikuauo. Eengerka 63 oda tungululua paife neengulu 140 oda uapekua. Konima jomakakamo omaongalo oa ninga omalongelokalunga aõ

peealtari odo da feua mokati komakuma. Mokutungulula eengerka ovagreka ovpeua ekuafu eshi ovalongua veesoia dokombada (Universteit) vo'koilogoilili ve uja oku longi mu Grekland.

Japan.

Oshikungulu sha kula osha hanauna mu Japan va.i. Ovañu 34 ova tja, novañu 20 ova kana novañu 51 ova mona oshiponga. Eengu'u 300 oda hanauka po.

England.

Mu September England ola ifana ovapangeli vahetatu vo'koilongo va ninge oshiongalele okukundafana Wes-Duitsland. Ovapangeli ava ova dja koilongo ei: Amerika, Frankryk, Wes-Duitsland, Italie, Belgie, Kanada, Holland, na Luxemburg. Oshiongalele eshi osha ningua meholoko.

Afrika.

Fijo paife omatumo elili oa longo momikuda ndelene oilando ja kula oja efua. Moilando jefimbo lopaife omu neefabrika neestora dihapu. Oilongo jatjangaha otai heke ovanjasha. Oñge vo tava di mo momikunda davo va ka konge oilonga meefabrika. Luhapu ovañu ava itava shuna momaumbo avo. Moilando ove li mouiike nekuatafano novañu vavo ka li po. Paife omatumo amue a pashuka noa hovela okulonga moilando mokati kovañu ava ve li kokule nomikunda davo.

Israel.

Ovajuda novarussia ova udafana kutja ovajuda eemiljona ñatu (3 000 000) tava ka dja mu Russia no tava ka tembukila mu Israel.

Ovatumua ovasuomi.

Ovatumua ovasuomi ve fike po 147 tava i keembinga dilili domounjuni. Mehanganotumo lomuSuomi (Finske Sänding Genootskap) omu novatuma 85. 58 vomuvo tava longo mOuambo, 14 vomuvo mOkavango, nava va hupa po mu Tanganjika nomu Jerusalem nomu Hongkong. Mehanganotumo likuao omu novatumua 8 ava tava longo mu Japan. Ovatumua vomomahanganotumo elili ve fike po 54 tava longo mu India no Formosa.



Aakauili
ja
Kalunga
mboka
taa
popiua
mehololo.
Lesho Ehol.6.

O K A A N D J E T U

EKUNDO LJOKOSHIGONGINGERKI.

Esiku eti 2 lja September 1954 aana-shigongingerki oju uvanene okutumina omagongalo ekundo ndi:

Aamuameme aahoolike aakualuther jomongerki jomOuambokavango:

Otse aatumua jomagongalo pamue naasita naatumuahongi jetu, otatu mu kundile po nohole.

Otse otu shi shi, otseni aamuajinacana no tu li mondjila jimue no tu nolugodi lumue, otua hala oku mu tsejicila embungu enene ljegongalo noljoshiguana tali mana po aantu no tali dimbululua koombinga adihe, oljo:

I IKOLICA.

Ikolica oja kundacana mOshigongingerki, tua li mo, tu cike 131. ihe inaji mona mo kuume e ji popile, aue, oja pangulua ojo oshilongico shomutondi, ojo no ja cingua ngashi uulunde uukuauo. Omanjolo omajapuki taga holola, nkene ojo pamue nuulunde ulue taji kalica aantu kondje joshilongo sha Kalunga. Leshah Ehol. 22:15; 1Kor. 6:9,10; Luk. 21:34; Ef. 5:18. One sho tamu lesha muka uulunde auhe ua pangulua kOshili jOmbimbeli, nOmbimbeli ojo elaka lja Kalunga, one uo tamu ka haluka nge mua didilike uunkolui ouo naanaa uulunde ngashi uukuauo.

One mbo hamu hanga nenge hamu halica iikolica otamu longekidile aana ja Kalunga ondjila jokufala moheli, onga Bileam Ehol. 2:14. Tsejeni Kalunga oje ependa ota ka tsakanica egeelo ljuunkolui noljaalongekidi juunkolui.

Peha ljoshigongingerki:

Pinehas Kambonde
Elia Haipinge
Risto Uushona

ELALEKO LJOSEMINARI MOKALOKO, 11 NOVEMBER 1954.

Aaseminari ja kala mOndonga oomvula 41.

Aaseminari ja cike 17 je ja naalongi jawo, Eerw. E. Y. Hatakka na felain E. Lokka pamue nomusitagongalo L. Auala.

Omukuaniilua sho e ja poshinjanga shokaganga, aaseminanari oji imbi „Ongundu jOmuaa cikama.“ Omalenga gamue ja kala pamue nomukuaniilua paajenda. Otua pulakene euvico ljopafupi komusitagongalo L. Auala Ehol. 3:7-10.

Aaseminari ji imbi isheue 141:1,2.

Omukuaniilua a popica aajenda: „Onde etelua okalimbililo kaalongi jeni sho tamu tembukile kOnguediva, nokuli ongula, ihe „She ku pe mucici taamba, Kalunga ka nangombe shambekela nomaako gaali, she ku pe hokulu esipa, ontumba.“ Tu diginineni shoka tua peueni tu shi diginine. Ngo-ka a longa ota peua ondjambi. Nongele mua ji konima jiihua tileni aakuluntu jeni. Galikaneni Kalunga, a kuce po etangalalo opo mu uape okulonga. Okua leshica 1 Tim. 5:1-10, e ta muena.

Aaseminari oji imbi natango 456: 1, 2.

Omutumuahongi Hatakka: „Ons is bly

ESHAKENO

Omundudu.(Endola)

20-22. Augustus 54

Omulongi Simon Jona okua pendulilua ediladilo eli, okuifana ovalongua vaje aveshe ava a longa menongopalo okudja konudo 1929 fijo 45. Okua tuma etumua-laka keongalo keshe oko e udite ku na omulongua uaje. Ediladilo eli Kalunga okue li uanifila omusamane ou. Omusamane a lombuela vavali vovalongua vaje fimbo ta longekida oshiongalele eshi kutja: Ngenge opue uja omaimbo kombinga jaje, nande oku tembulua mo mounjuni ou, oshiongelele eshi inashi kala inashi ningua.

Ovalongua va onkala eti 20-22 la Auguste. Pa hoololua ovanjoli voipopua vavali Erasmus Lasarus na Jason Haufiku. Nehovelo la li pefimbo lo 5 jokomatango.

Omuhoveli oje J. Hipandua. A lesha Tit. 2:7-8. Okua holola n̄mbi ohoole jomu Kalunga ojo aike tai dulu oku tula momuñu ediladilo okudiladila ovana vopa Kalunga. Ngaashi omushamane ou ina efa okudiladila ovo e va tekulila eongalo, ediladilo eli kali fi laje.

Ekundo lomusamane je muene a kunda nalo ovana oleli: Joh.1:29 „Tala Odjona ja Kalunga eji tai kufa po omatimba ounjuni.“ Etumbulo eli okue li eta, opo ovo e va ifana va ha tale kuje, ndele va tale Odjona eji tai kufa po oikolo jounjuni. Nokua pungululila eemuenjo dovanashiongalele ku Jesus nepulo eli: „OU LI PENI!“

Omufitaongalo A. Mungungu a kala omujakuli moshiongalele eshi. A holola ohoole ja Kalunga n̄mbi tai monika mepulo eli, „OU LI PENI!“ Eemuenjo dovapuiikini da tatulua kepulo eli la Kalunga muene. Molua lo tua jongola vamue vomu fje va tekulilua eongalo n̄ge ve he mo vali. Va ja meliteekokalunga. Navojo Kalunga a pandaela oku va pula moshiongalele eshi. Umue uoshiongalele a eta po ejele lomulumeñu e hoole ombua jaje. Pamukalo uoku ji fila oshisho, efiku limue okue i ekele oshifima. Ombua moku hakana oshifima, jeshi enda pomuñgulo nde tai ka umila omudidimbe uasho. Osho ja kala nokukondja ji ukuate, ndele ihashi dulika. Osho Kalunga e hoole omuñu. A jandja eendjovo daje komuñu. Ehalo lomun̄u la pingafana nado, omolu ouua uounjuni. Ouua aushe uounjuni ouo omudidimbe uongaho. Na ava va jongolua moshiongalele eshi vamue moku liteeka po eongalo ova ka kondjela omudidimbe uounjuni. Va hombola ombada nova hombolua ombada. Vamue ve liteeka oku longela Kalunga omolu omikunda.

Moshiongalele eshi tua popifua jo neendjovo edi 1Kor 3:9. Mudo tua ololelue

dat ons die kans kry om die koning van die ryk te besoek. Jammer dat ek nie in Oshiuambo kan se nie. Die ryk was 'n seen vir ons Opleidingskool. Die plek het min geword. Daar op Onguediva is meer plek vir nuwe geboue. Ons gaan nie ver nie en die pad daarheen is goed u kan ons besoek... Okua li ta toloukelua komusita Leonard.

Omusitagongalo Leonard Auala: „Otandi pandula shili moluoshilonga sho epangelo lja kuacele oseminari oshoka omacimbo nomacimbo kua tuminua oondumetana naaseminari jomukaga ja mono onjama.“

ejele lodila n̄mbi hai tekula oudilona vajo. Odila tai tekula, ndele nge ja tukifa oudilona vajo ohava ji mounjuni. Osha jela kufe kutja oshidila keshe ohashi tekulile ounjuni. Osho jo Kalunga ta tekula omuñu moskola. Konima jouteku ou, omuñu ta ningi omukuaneongalo. (Epja la Kalunga). Kalunga e li hepeka okufudaula omamanja momutima uomuñu. Nde. ta tuike mo oñuika injenje neendjovo daje. Oñge hano pamue Kalunga ta tale epja laje noñgumue paendjovo domuhunganeki. Leshah Jes.5:1-2. Omuleshi, tala jo u tale ngenge Kalunga muove ta mono mo ojii-mati iua ile oipele! Napa jo Kalunga ta ti: „OU LI PENI moku imika ojii-mati iua?“ Nepulo eli, a hala e ku nakule menjonauko eli. Leshah Jes.5:4-5. Te ku nakulifa mo eilikaneno l'Omukulili. Luk. 13:8-9.

Omulongi T. Ndilula e tu jelifila eifano olo li he shi ku anjua nande okulje. Olo okutembulua mounjuni ou. Oñge natu dulike jo keshivoshivilo levangeli li li mokati ketu.

Omufitaongalo J. Shifjoona a ulika emanja olo li li omafikameno oukualushe uomuitaveli o Jesus Kristus.

Omuevangeliste M. Ngitete Ef.3:14-16. Ngashi omuñu uokombada jedu, ha popifa ohamba jaje ei taalela a tua eengolo manga ta popi najo. -Osho omukriste e nokutua eengolo a taalela Ohamba jeulu nedu. Ha oku taalela koinima imue ilili.

Omufitaongalo J. Kalenga e tu ulikila eshunduko tali etua kokuhata omango imue. Oñge okukala meudafano limue meitavelo taku popile eumbo, epangelo, eongalo noshilongo koshiponga sheshunduko.

Omulongi E. Lasarus e tu etela oshinima tashi tomo atushe. Osha pumba omuñu oku ongele ovana e va hafife. Oshe tu kumuifa omusamane ou eshi a ongela oludalo luaje luopamepo oku li tuila omukumo mefjuululo lashili. Omulongi keshe oje omudali, omufikameni keshe oje omudali. Oto fiminikua tuu kedimbuluko loludalo luoje nande omomailikaneno?

Ediladilo eli medu letu la longa ashike movaeuropa okuoongela ovalongua vavo ndele mu fje inali monika mo. Omusamane Simon a ninga uotete okufiminikua kediladilo eli noku li uanifa.

Ongudu keshe ja imba omaimbilo oo ja longelue pefimbo laje. Omaimbilo aa, noshho jo oipopua ihapu ja tuala eemuenjo dovanaskola pefimbo lokukala kuavo moskola. Kalunga ta teelele u tameke nou tuikile oshipeua shoje osho e shi ku pa.

Omusamane a longekida jo oikulja jetu. Oja kala ja uanenena shikumuiifa. Ohatu pandula jo ovajakuli ovo va jakula oshiongalele eshi moku shi telekela nomuenjo muua.

J. Haufiku.

Omukuaniilua: „Inamu tja onde mu eca sho mua ji kokule one aaseminari naahongi. Oshilonga tamu shi longo kashi shi sheni jene, osha Tate. Notandi ke mu taalela po nkene mua ciki.“

Egalikano: L. Auala moka tua halelua epapuduko ljOmbepo Ondjapuki.

Omukuaniilua a peua oshihupulo. Lja duma, noja ji.

J. J. Ngaikukuete.
Die Stamsekretaris.

Eputudo euarua otali fala omuntu meiputudo.

SHITLANGU.

emuna guokombanda.

Lja njolua
ku

Andre de Clerc
na

Edoardo Mondlane
Lja lundulua
ku

Hosea Namupala,

Etsikilo.

ONTOPOLUA 3.

Oshituci shoshiguana.

Iituci!

Omasiku gelago nogoshiholekua.

Okulandula iikako molueendo olule
noluuehame.

Opecimbo ndjoka oja li ja zalekua
uunene mboka itaau monika ue. Otse otui
iningi tua kala aantu taa galikana epitaci-
mbo ljauro, taa lili omolu uunanena, taa sile
oshimpuiju ecimbo tali ja. Omauvito ngano
oga li ga hololua noga vundakanicua
mekudilo ljuudano.

Otandi tula esiku ndino omecimbo
ljandje ljuunona? Nenge oljuugundjuka?
Kandi shiuo. Nondi shi mu hokololele
ngashi ndi shi uete momutima guandje.
Shitlangu.

Pomacimbo gi ili nogi ili pecimbo
kehe ljomvula, oshiguana osha li hashi
gongala pooha dokuti okujapuki moka
ootate aanene ja fumvikua. Aantu, mongu-
ndu ja hangana, otaa saluta iikalunga jauo
notaa ji gandjele iijimat jauo jotango
nombinzi juukombuena uotango uomomu-
mvo.

Ondi hoole uanaua uomasiku ngoka.
Ondi hoole okuuva oshiguana ashihe tashi
kudile, tashi kakama notashi lili kenjanju.
Ngame ondi iuda enjanju omolu ekudilo,
omaluaala, nongundu. Ongame Khamban.
Ongame Shitlangu omunene gua Khamban.
Oshiguana ashihe osha kala mu ngame osha
tsikua mu ngame.

Ongundu jaagundjuka, iipa jauo iipe
noja guajekua taji adima, otaa ji koombinga
doshilongo taa hija oshituci, taa fudile
kooniga doosino eui lju ukilila, ohija
joonote mbali nontitano ji ilile. Otaa tsejica
oshigongi shoo Khamban ajehe tashi ka
kala moshilando shepangelo sha holama
shoo Khamban ehala ljetsakaneko ljaakua-
niilua ookalunga naantu jauo. Shaa ngoka
oko ta ka kala: aakulupe aalumentu naa-
kiintu, aamati nuumatjona; Aakiintu na
mboka uo ja hokanua miiguana jilue, otaje
ja ja matuka, nuuhanona uauo ua kuiininua
koombunda dauo; Osho uo aagundjuka
ajehe na ohugunina ngame muene, Shitlangu
Omugundjuka.

Ohaku hogololua oongombe momi-
kunda adihe okupaluca ongundu. Ookalunga
neel oshikumica - -kutopola iinima, okuu-
lukila shaa ngoka oshitopolua she melonge-
kido. Shika osho oshilonga shomulumentu.

Otse, aanona otua tulua melongekido
lilue. Oondjuhua noonzigona doka ombinzi
jado ji nokushashamenua koombila ohadi
ipalucilua. Aakiintu otaa longekida omago-
nga ngoka gi indikua okugumua sigo
iikalunga je ga gumu.

Ongulohi kehe omuedi ngele gua toka,
ohatu tegama tua kondeka omulilo, mpoka
omaimbilo goshituci taga totua. Aakiintu
otaa kongo olupikishi lu hike oontunda. -
Turu - ndundu - ndundu! Turundu - turu-
ndu - turundu! - manga omuiimbi guetu
ta toto oonote nenge eui mokuhondjela
oondanda kocaila. Ngele ooverse da mono
omutungo omumuana nena tatu di endulu-
la mokutumbula atuhe sigo omakucikuci
genjanju ngoka ge li mo ga tililua moma-
dimbuluko getu. Siku limue aakiintu
aakulupe ohaa tu longo Omaimbilo giita,
notatu dana olugodi.

Ongulohi jimue omumuamemegona
okue tu hokololele Ehokololo ljuondjima.
Okua tameke nokupula: - Omoluashike
oondjima hadi kuatua kondjahi ngele da
tsakanekke okalimba? Omu shi, shi? -

Atuhe otua holola okuaashishi kuetu.
Omuhokololi nokua tameke:

Ehokololo ljuondjima.

Okua li ondjima, ndjoka ja li ja kala
muuanaua nopiano jajo (okahumba). Unene
okua li ji hole oku ka hika ngele ja galuka
kuukongo. Oja li haji dimbulukua uanaua
nelagc ljajo nohaji pandula iikalunga jajo
ngele je ja kegumbo ja dipaga naua.
Omasiku gomupja guajo oja li haji imbi
eimbilo ljuucigua kokahumba kajo.

Ano esiku limue ondjima sho ja li ji
igandja mokukala kuajo okuholike, omusa-
mane Kalimba okua li a hilua komau
gehiko ljokahumba nokue ja popepi. -Eui
ljeimbilo olja tja ngiini! - osho a diladila.
Okua hondjunine meholamo nokua dingol-
oka konima jegumbo nokua taagulukile
kondjima nokua konakona a mone nkene
taji holola eui lja tja ngaaka euanaua.
Okua didilike nkene ondjima taji iumbu
pevi komeho gokahumba, taji hili iipatululo
jiiti ji nuupini uiti uushona u nomitse
diipa komahulilo, uanaua ou cike peni sho
ta patulula nokuholola eendelelo nelandu-
lacano ljomaui. Kalimba omunekoto okua
tseja nkene okahumba taka hikua polumue.

Osho a ji kegumbo okudiladila etokolo
lje ljomeholamo. Uusiku okua penduka a
kumua: Otandi imonene ngiini oshihikua
shija shomaui oshikumica? Otandi ji ndi ke
shi jake? Ekaha ljandje ota li monikica
ndje. Otandi ka kambadala ndi shi lande?
Ngame onda hepa nda fa omuselekadi.
Aue nda mono omadiladilo goopalelela:
Otandi ji e tandi hiki okahumba okoho
notandi iningi onga ngoka ndi ka shi.

Ongulohi ja landula Ndjima okua
galuka kuukongo. Okua li a dipaga. Manga
omukiintu gue a li te mu jocale uunkene
uanaua, je okua li a kuutumba pokahumba
ke okaholike. Omutalelipo okue mu popica
oshikuluntu:

-Mua tokelua po mua tokelua pol
Ondu uvite ezimba tali ti opua li
uukongo u nelago, na iikalunga oja uilike
iikuti joje noondunge.-

Ndjima okua jamukula: -Ila mo musa-
mane Kalimba. Ou li po ngiini? Aanegumbo
ljoje oje li tuu ja kola na iimeno joje
ojindji tuu?-

-Onaua musamane Ndjima, kape na
uuinaji nenge tu tje ajihe ojoopala. Ihe
ope li ngeji. Gumue ohepele, gumue ohe-
pele. Olje te ke tu kuca moluhepo. Osho

VOORBEELDE

Soms as allenigheid my moedloos maak,
En van my wegruk broedersteun en
trou,

Dan, eer die ooste met die daglig
grou,

En die koel maan sy opklim-koers
versaak,

Nog voor sy lig die verste vleiland
raak,

En die vuurvliegies in die gras
verflou

Of glinster op di nuut-geplaste dou
Waaroor die middernag se vrede waak,

Rys voor my op, in die droomgestaltes
dig,

Die ontelbre siele van die voorge-
slag

Wat ook alleen gestaan het om te
stry

Vir wat hul reg geag het, eer en plig.
Dan kry ek in my eensaamheid 'n

krag

So sterk as ooit 'n sterflik mens
kan kry!

C. Louis Leipoldt: Skoonheidstroos.

Elundululo ku T. E. Tirronen.

IIHOLELUA.

Muuike ngele ndaa na nand' uupenda,
Nekuathano aantu ye li mana,

Ompa - eluaa manga tali kana,

Nomuedhi manga gu li mokutenda:

Mesilu mu nuuluudhe mokuenda,

Nevemo lyuulimaale uo omu na,

Eaadhimo lyomume kali dhana,
Kombili nena u'aadhikua uushiinda.

Ongomosheentsi tandi mono, nkene

Aathithi yomapipi ngo gonaale,

Yiikalele mekonjjo lyauo uo,

Omolua ye shi tala shauo yene.

Noonkondo nde dhi kanitha popaale,

Isheue nde dhi mono, ngame uo.

Mpaka tua eta omukalo omupe
okunjola Oshindonga. Omukalo nguka gua
popilua unene komudohtora Warmelo

okukalamuenjo okudigu.-

Osho a ti ngeji, na okomukalo omuaanaua
gu vule adihe, Kalimba okua kuca uuti
ujali nomitse dauo diipa nokua tameke
okuhika okahumba.

-Ou shi shi tuu musamane Ndjima
kutja okahumba hano oke na omaui, oma-
uanaua?-

-Unene, ohandi ka njanjukilua noo-
nkondo.-

-Efaacano enene! Okahumba hauo
otaka dimbuluca ndje ekuanguangua limue
lja li li niue ku ngumueno jandje oje nokue
li kanica komukalo guaa ndjangele.-

Tali tsikilua.

Oshinamuenjo shini po osho oshinene shi vule iikuauo ajihe? Pamue oto ti: ondjamba. Ihe, hasho. Momakuti agehe guujuni ito vulu okumona oshinamuenjo shi cike piikuameja jimue iinene haji kala mefuta. Ojo mbjoka haji icanua moshimburu „walvis“.

„Walvis“ kashi shi sholudi luoohi, aue, osho oshinamuenjo hashi vala oluvalo luasho lu nomuenjo ngashi iijamakuti, nohashi lu paluca uo nomahini gomomagundji gahso. Ihe sho hashi kala aluhe momeja noshi nolupe luoohi, osha lukua edina ndjoka „walvis“.

Shoshene oku nomaludi ogendji ga „walvis“, gamue omashona nokuli. Ihe mpaka otatu popi ngoka omanene ge vule omakuauo. Ekuameja lja tja ngaaka oli vule oojaarti 30 muule. Ano okuza komilungu dalja sigo komushila gualjo ou nokukatuka onkatu 30. Ngele to kuca omuja ngoka gu noojaart 15 muule e to kambadala oku gu jelekica uunene ua „walvis“ pokati, omitse domuja itadi aadacana. No kape noshijelekico ssa guana okujeleka uudigu uekuameja li cike mpoka. Shila ngele to li topola noto li jeleke kashona na kashona. Esiku limue shokua ningua ngeji, okua monika, kutja omasipa ageke ga jelekua ooponda 44,000 (ano 22 ton). Olukue luomutse aluke oluo ooponda 9,000 (4½ ton). Elaka lja „walvis“ lja jelekua ooponda 6,000 (3 ton), ano ofraha joshiauto oshinene. Mekuameja limue alike otamu vulu okumonika onjama ja jelekua uudigu uajo ooponda 110,000 (55 ton). nomagadi galjo oge vule ooponda 50,000 (25 ton) muudigu. Inima ajihe nge taji tulua kumue, otaku monika, kutja „walvis“ oji nuudigu uoponda 300,000 (150 ton). Shika otashi ti: ando u ji topolele momakambamba ge li po 15, andola natango oga njengua oku ji hambata.

Omboka mua jile ku Walvisbaai nenge ku Swakopmund, omua mono ko oombati da „walvis“ da dikua piijeelo jcongulu dimue. Oombati doka nando di nuule uoojaart 3, natango inadi za momanima omanene.

Omajovi nomajovi ga „walvis“ otaga kuatua kehe omumvo kaantu taa ende mooskepa oonene. Osho otashi pula iilongico iinene ja kola naakuati je nuunkulungu ouindji Omashina omanene otaga hillile „walvis“ moskepa. Omo moka oshikuameja ashihe otashi topolua. Ombinga ji nondilo ojo omagadi gasho. Ogo otaga telékua notaga pungulilua momicima ominene doshipeleki di li meni ljoskepa. Onjama nomasipa oge na uo oshilonga. Omandjandja agehe otaga ekeluahi. Inima ajihe ja zi mu „walvis“ jimue nge taji landicua, otaku monika iimaliua ojindji, esiku limue £2,500.

Mu „walvis“ otatu mono mo uo omi dimue tadi kuaca aantu. Unene otadi monika mehuli ljajo. Ehuli lja „walvis“ oli nuudigu uooponda 2,000 (1 ton) noli nomagadi ogendji. Omuntu nge te ga nu, otage mu pe iipaluca iuanaua taji koleke olutu aluhe. Inima mbjoka haji icanua „oovitami“ oji li mo ojindji. Aantu ojendji jokouambo uo oja peua omagadi ga tja ngaaka koshipangelo.

Oshikololo shaagundjuka.



OONJEKA OONSHONA OMULONGO.

1. Ohoole ta Jesus ja huameka oomuenjo omulongo daagundjuka. Koonkondo da Jesus ajehe mba ja ningi oonjeka da adima.
2. Onjeka ojimue ja homona kashona kouala kutsinina. Keitumbo no kuuntsa uomugundjuka onjeka oje noja dimi nga.
3. Pua hupu oonjeka omugoji mpa natango otadi adima nga. Kehindo ljokuume omuhoolike onjeka oje oja dimi nga.
4. Pua hupu oonjeka hetatu mpa natango otadi adima nga. Ogumue guomujo a shekua po, a kuatua momuenjo kehaluko, a tila, onjeka ondjika je ja dimi no kaji nuujelele.
5. Pua hupu oonjeka hejaali mpa natango otadi adima nga. Ogumue a eca p'etonato onjeka oje noja dimi po.
6. Pua hupu oonjeka di hamano natango odi na etonato. Iifundja ogumue a hokua po, onjeka oje noja dimi po.
7. Pua hupu oonjeka di ntano mpa, natango otadi adima nga. Ogumue guomujo a hokua po makaja nisheue iikolica uo; Onjeka oje noja dimi po.
8. Pua hupu oonjeka adike ne, adike odi na uujelele. Ogumue guomujo a kuatua po kuuheci miilonga nonjalo uo. Onjeka oje noja dimi po.
9. Pua hupu oonjeka di ndatu mpa adike odi da adima nga. Ogumue guomujo ta eca po oohapu da Jesus neindilo. Onjeka oje no ja dimi po.

Ikuameja ji cike mpoka ohaji li shike? Iipaluca jajo ojo uupuka uushona u shi kujelekua kashona nuuvolovolo mboka tau monika kouambo pecimbo ljomvula. Ou nokulua ouindji shili, opo u paluce oshinamuenjo oshinene shi cike mpoka. Pamue „olevijatina“ ndjoka ja tumbulua mepsalmi 104:26, ojo tau „walvis“. Aakulu jonaale uo moku ji tala oja dimbulula uunene uilonga jomushiti noje mu hambelele.

„Hambeleleni Omuaa, one iilonga je ajihe, akuhe nkoka ku nelelo lje. Omuenjo guandje, hambelela Omuaa!“ (Eps.103:22)

10 Pua hupu oonjeka mbali mpa adike odi da adima nga. Ogumue guomujo a homona je muene okuiekeleye onjeka oje noja dimi nga.

11 Pua hupu onjeka ojimue mpa ajike otaji adima ngaa Omugundjuka nguka ha tindile poompadi dOmukulili aluhe.

12 Omukulili nokue mu kolekele mekondjo lje no te mu p'ujelele. Koonkondo da Jesus omugundjuka cmunkundi ngu ota adima nga.

13 Ogumue nogumue otaje ja ku nguka omulilo taa behela. Oonjeka omulongo odi li mpa isheue otadi adima nga.

Omukuetu, omukueni olje ngo uujelele ngoje ue mu etele po?

EFATULULO.

Aagundjuka omulongo kehe ngoka e nokinteli ja temua moshikaha she otaje ja momukuejo melandulacano ndjoka tali cikameke omule pokati naafupi koombinga noombinga taa hugunine. Ajehe sho ja cikama momukuejo gu uka, otaa hokolola oshita overse jotango. Nena omufupi ta hokolola auike overse ontijaali e ta dimi po okinteli je mokutumbula iitja: Onjeka oje noja dimi ngaa. Mooverse dilue sigo 10 omatameko gooverse taga leshua kongundu ja mboka, je na ookinteli inadi dimua manga, ehulilo ljooverse kehe tali leshua komufupi koombinga noombinga nokupacana olufo na kehe ngoka ta dimi po okinteli je mokutumbula omukuejo gua hugunina joverse je. Ooverse 11-12 tadi leshua ku nguka a cikama pokati, overse 13 ku ajehe. Mokuhokolola „Ogumue nogumue taje ja kunguka, omulilo taa behela“ ajehe taje ja okukuca omulilo kokinteli ja nguka ku li pokati. Ajehe nge taa cikama isheue momukuejo je na okinteli da temua moshikaha, otaa tumbula oshita nuulaadi hakuendelele, ando luaali nokuli.

„Omukuetu, omukueni olje ngo uujelele ngoje ue mu etele po?“



